

COMUNICÂT STAMPE

PREMI FRIÛL, EDIZION SPECIÂL PAL 2013

Bant par partecipâ al concurs dentri dai 15 di Jugn

Udin, ai 7 di Mai 2013 - E je pronte par inviâsi la edizion 2013 dal "Premi Friûl", concurs che di passe trente agns al à tant che obietîf chel di produci oparis originâls par rignuvî e sperimentâ la forme de cjançon in lenghe furlane e in chês altris lenghis minorizadis dal Friûl, sloven e todesc.

Il bant dal Premi, inmaneât di Radio Onde furlane e finanziât de ARLeF - Agenzie regionâl pe lenghe furlane, al è su www.undefurlane.eu e si à di notâsi dentri dai 15 di Jugn par partecipâ.

Il concurs al è viert a ducj, autôrs singui e grups, ai diviers gjenars musicâi e aes lôr contaminazions. Ogni grup o autôr singul al à di presentâ la registrazion di un toc inedit che al va mandât in formât mp3 ae direzion premfriul@undefurlane.eu o pûr spedît intune buste sierade a: Radio Onde Furlane, Vie Volturno, 29 - 33100 Udin.

Adun cul toc, i participants a àn di presentâ il test scrit (edit o inedit) e la schede compilate che si cjate sul sît www.undefurlane.eu. Il materiâl nol sarà tornât indaûr. La organizazion e sielzarà i participants ae fase semifinâl tra i grups plui votâts de jurie e su internet. I semifinaliscj a saran invidâts a sunâ par un spettacul di 15/20 minûts in ocasion di cuatri events inmaneâts sul teritori (Muçane, Comelians, Cormons, Cjasarse). La trentesime edizion dal Premi Friûl e presente propit cheste novitât: e je une edizion "torzeone", cun plui apontaments dal vîf sparniçâts in dut il Friûl.

I vincidôrs des semifinâls a sunaran intal Novembar dal 2013 li dal teatri Palamostre di Udin dulà che la jurie e sielzarà un vincidôr che al podarà registrâ e publicâ un cd produsût de etichete Musiche Furlane Fuarte (pai tescj e sarà doprade la grafie uficiâl de lenghe furlane).

In alegât la storie dal Premi.

Elisabetta Pozzetto

Tel. 0039 0432 555724 mob 0039 335 8002058